

Guangjisi Minzcu Bau

ganhhau: CN45-0036 B.2014 Nd.7 Ng.9 liggaueq gyapngux nienz ndwenloeg cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3131期

Duh'anh:《Sinhvwnz Vahcuengh》Cingqsik Haibo

都安:《壮语新闻》正式开播

7 nyied 1 hauh, Duh'anh Yauzcuz Swciyen Gvangjbo Den-sidaiz cingqsik haibo 《Sinhvwnz Vahcuengh》. Neix dwg aen lanzmuz aeu Vahcuengh dangdieg daeuj bo de. Guh aen lanzmuz neix dwg vihliux engq ndei dwk henho h nem swncienz doenghgi vwnzva Boux-cuengh nem Vahcuengh dangdieg, baijok gij maenhndei vah dangdieg.

Ciuq cam rox, aen yienh neix gungh miz 71.14 fanh vunz, ndawde Bouxcuengh ciemq 73%, dingzlai vunz gangj Vahcuengh dangdieg. Aen yienh neix haibo sinhvwnz Vahcuengh, aeu Vahcuengh dangdieg vunz lai cungj maij dingq de daeuj youq lajmbanj senhconz gij minzcuz cwngcwz dangj raeuz, book gij sinhvwnz youqgaenj

dangdieg moix singhgiz miz de, gangj gij saeh hen z ndang vunz dangdieg, neix ndaej vunz lai haenh naeuz ndei raixcaix.

Aen lanzmuz neix moix singhgiz singhgiz ngeih, singhgiz sei q 20:30 daih'it baez book, caemh ngoenz 23:00, ngoenz laeng 8:30, 10:00, 13:00 caiq bo mbat ndeu dem.

(Lanz Fuzgvanh/蓝福宽)

SIUSIK DINJ

简讯

● Gaenh bi daeuj, Denhdwngj Yen Bajhoz Yangh aeu cungj fuengsik gunghswh + gihdi + nungzhoh neix daeuj haengrengz fazcanj daegsaek dajndaem canjyez. Dangqna j, daengx yangh ndaem miz gvehoengz 1200 lai moux, ciuq moix moux ndaejsou 3000 lai goenggaen, moix goenggaen 2 maenz suenq ne, daengx yangh gvehoengz canjci z 720 lai fanh maenz, boux ndaem gvehoengz bingzyaenz moix boux laisou 1000 lai maenz.

(Vangz Lilanz)

● Daj bineix daeuj, Bingzgoj Yen guh dangj raeuz ginzcu ng lusen gyauyuz sizcen hozdu ng senhconz yienjok hozdu ng 30 lai ciengzbaez, youq yienhcie ngz fat camdap sw hliu 50000 lai cek(faen), yienhcie ngz camgya camdap 20000 lai vunzbaez, neix doidoengh dangj raeuz ginzcu ng lusen gyauyuz sizcen hozdu ng haeujlaeg fazcanj.

(Vuz Anhginh)

● Geij ngoenz gonq, Lozyez Yen Vahbingz Cin youq Vahyenz Cunhyauzcuz gai hcanj 4 ngoenz nungminz lau zvu ginaengz beiz-yin, son ndaw cunh neix 150 lai boux hag denhan, coih giceh nem mozdoz daengj.

(Yenz Gozvejij)

● Daj 2003 nienz daengz 3013 nienz, Nazboh Yen Minzcuzgiz gungh ceng ndaej gij cienzngeanz Swcigih Minzvejij fazcanj saujsu minzcuz de 4738 fanh maenz, guh hanghmoeg 281 aen, hanghmoeg gvendaengz mbanj gaep goengloh, vunz caeuq doihduz gwnraemx daengj, gajgez le dieg saujsu minzcuz 54000 ginzcu ng byaij roen hoj, gwn raemx hoj, laisou hoj daengj vwndiz.

(Vangz Bizvaz)

● Fuconh Yauzcuz Swciyen Cauzdungh Cin Siusuij Cuh daj saedhengz gij hanghmoeg gensez cin nem cunh miz daegsaek youh mizmingz de daeuj, gungh roengzngeanz 977 fanh maenz, guh sat hong gajguh yienghsiengq ndawsingz lajmbanj, hawj gij yangh Yauzcuz yienghsiengq bienq moq. (Cinz Yengiz Yiz Bujiyin)



Lungzswng: Beixnuengx Yauzcuz Angq Gvaq "Ciet Dak Ndangdaenj"

龙胜:瑶胞欢度“晒衣节”

7 nyied 2 hauh, liggaueq loeg nyied coloeg, Lungzswng Gak Cuz Swciyen Lungcziz Cin Mbanjinhgwng Yauzcuz gyoengq beixnuengx Yauzcuz de angq gvaq "ciet dak ndangdaenj". Gyoengq mehmbwk Hungzyauz(nga Yauzcuz ndeu) youq rog ranz venj doenghgi ndangdaenj minzcuz hwnjdaej dak. Doengzseiz, vunz Yauzcuz dangdieg daenj ndangdaenj ndei, vih hekyouz yienj le dozmae, dajsan, dingj faexcuk daengj buek cezmuz miz daegsaek minzcuz dangdieg de, ndei yawj caixcaix. Ndaw doz dwg gyoengq mehmbwk Hungzyauz cingq yienj gij dinfwngz dozmae de.

(Veiz Gizyangz/韦吉阳 Luz Gyangz/陆强 ingj)

Laizbinh: Hai Conhlanz Senhconz Saeh Minzcuz Doxgiet Mozfan

来宾:开设专栏宣传民族团结模范事迹

Vihliux caenh'itbough gyarengz saedhengz 《Minzcuz Gihyiz Swcifaz》, Laizbinh Si Minzvejij lien zhab Laizbinh Yizbaue hai aen lanzmuz ndeu, heuhguh "laebguh mbanjranz huzndei, doengzcae z saedyienh siengjmuengh Cungguek——geiq-niemh 《Minzcuz Gihyiz Swcifaz》 saedhengz 30 bi", daj 6 nyied 24

hauh hwnj moix singhgiz fat geiz ndeu, daeng gij saeh senhcin gvendaengz doenghgi cizdij nem doenghboux vunz ndaej bingzguh Swcigih daihaet baez minzcuz doxgiet cinbu mozfan cizdij nem goyinz de, baijok le gij saeh maenhndei gak cuz ganbu ginzcu ng doxndei caemh youq, huzndei

fazcanj, caemh sim doengz ngeix, doihaeuj daengx si gak hangz gak nieb, gak cuz ganbu ginzcu ng yienq mozfan hagsib, doengzcae z doihaeuj minzcuz doxgiet saehnieb gig vaiq fazcanj nem gak minzcuz doengzcae z ndaej hoenghhwd fazcanj baenaj.

(Veiz Veimingz/韦卫明)